

Up/I broj: 06-14-2-26/21  
Mostar, 05.03.2021. godine

Federalno ministarstvo energije, rudarstva i industrije, na osnovu člana 200. Zakona o upravnom postupku („Službene novine Federacije BiH”, broj 2/98 i 48/99) i člana 26. Zakona o geološkim istraživanjima Federacije BiH („Službene novine Federacije BiH”, br. 9/10 i 14/10), rješavajući po zahtjevu Grada Srebrenik, broj: 07-64/2021 od 19.01.2021. godine, kojim se traži odobrenje za izvođenje dopunskih detaljnih hidrogeoloških istraživanja podzemnih voda na bunarima BGD-11 i BGD-12, u okviru odobrenog eksploatacionog polja „Sjeverni sinklinorij” RU Kreka, za potrebe vodosnadbijevanja rubnih dijelova gradova Srebrenik i Tuzla, donosi:

R J E Š E N J E

1. Odobrava se Gradu Srebrenik, izvođenje dopunskih detaljnih hidrogeoloških istraživanja podzemnih voda na bunaru BGD-11, u okviru odobrenog eksploatacionog polja „Sjeverni sinklinorij” RU Kreka, za potrebe vodosnadbijevanja rubnih dijelova grada Srebrenik i grada Tuzla.
2. Izvođenje direktnih istražnih radova - dopunskih detaljnih hidrogeoloških istraživanja podzemnih voda na bunaru BGD-11, vršit će se na parcelama označenim kao k.č. 1258/7 i 1258/9 k.o. Mramor.
3. Istražni prostor na kojem će se vršiti dopunska hidrogeološka istraživanja podzemnih voda okonturen je koordinatama X i Y sa prelomnim tačkama A., B., C., D. i E., sa slijedećim pripadajućim vrijednostima koordinata:

Tačka	Y	X
A	6 545 800	4 937 140
B	6 546 230	4 937 100
C	6 546 240	4 937 310
D	6 545 920	4 937 340
E	6 545 800	4 937 240
BGD-11	6 545 876,51	4 937 250,36

4. Za bunar BGD-12 ne odobrava se izvođenje dopunskih detaljnih hidrogeoloških istraživanja podzemnih voda, zbog ne pribavljanja saglasnosti vlasnika zemljišta
5. Projekat dopunskih detaljnih hidrogeoloških istraživanja bunara BGD-11 i BGD-12 Rudnika „Mramor” za potrebe vodosnadbijevanja rubnih naselja Grada Srebrenik i Grada Tuzla (u daljem tekstu; Projekat), izrađen od strane privrednog društva „Cerberus” d.o.o. Tuzla i „Situaciona karta sa konturama i prijelomnim tačkama istražnog prostora”, mjerilo 1 : 10.000, ovjereni od strane ovog organa, prilažu se i čine sastavni dio ovog Rješenja.
6. Dopunska detaljna hidrogeološka istraživanja podzemnih voda na bunaru BGD-11, izvodit će se prema Projektu.
7. Odobrenje za dopunska detaljna hidrogeološka istraživanja podzemnih voda na bunaru BGD-11, daje se za period od 24 mjeseca, računajući od dana prijema ovog Rješenja.

8. Istražne radove na odobrenom istražnom prostoru Grad Srebrenik, dužan je započeti u 2021. godini.
9. Važenje odobrenja za istraživanje može se, na zahtjev Grada Srebrenik, produžiti za još jedan period naznačen u tački 7. ovog Rješenja, u skladu sa članom 30. stav (3) Zakona o geološkim istraživanjima Federacije BiH.
10. Za vrijeme izvođenja dopunskih detaljnih hidrogeoloških istraživanja podzemnih voda na bunaru BGD-11, Grad Srebrenik i izvođač istražnih radova, dužni su posebno se pridržavati Poglavlja 9. MJERE I ZAŠTITE (9.1. ZAŠTITA OKOLINE U TOKU IZVOĐENJA ISTRAŽNIH RADOVA I 9.2. OSNOVNE MJERE ZAŠTITE NA RADU TOKOM IZVOĐENJA ISTRAŽNIH RADOVA, sadržanih u Projektu.
11. U toku izvođenja i po završetku dopunskih detaljnih hidrogeoloških istraživanja podzemnih voda na bunaru BGD-11 na odobrenom istražnom prostoru Grad Srebrenik i izvođač istražnih radova, dužni su pridržavati se odredbi članova: 33., 34., 35., 36., 40., 41., 45., 46. i 47. Zakona o geološkim istraživanjima Federacije BiH.
12. Grad Srebrenik i izvođač istražnih radova, dužni su pridržavati se urbanističko tehničkih uslova navedenih u Rješenju broj: 12-04/1-19-001651/20 od 15.09.2020. godine, izdatih od strane Ministarstva prostornog uređenja i zaštite okolice Tuzlanskog kantona i uslova navedenih u Rješenju o prethodnoj vodnoj saglasnosti broj: UP-I/25-1-40-079-3/20 od 05.03.2020. godine, izdatih od Agencije za vodno područje rijeke Save.
13. Prije ulaska u istražni prostor, za zemljište koje nije u vlasništvu Grada Srebrenik, obavezno je pribavljanje odobrenja za ulazak od strane vlasnika zemljišta.
14. Grad Srebrenik, dužan je na osnovu člana 7. Pravilnika o sadržaju, načinu izrade elaborata o klasifikaciji, kategorizaciji i proračunu rezervi čvrstih mineralnih sirovina i podzemnih voda, imenovanju, sastavu i radu stručne komisije za reviziju elaborata („Službene novine Federacije BiH“, broj: 85/17), osigurati stručni nadzor nad izvođenjem istražnih radova.
15. Grad Srebrenik ili izvođač istražnih radova dužan je prijaviti početak izvođenja istražnih radova Ministarstvu, najkasnije 15 dana prije početka istraživanja.
16. Po završetku istraživanja ili u slučaju prekida istražnih radova na odobrenom istražnom prostoru Grad Srebrenik, dužan je provesti sve mjere zaštite kojima se isključuje mogućnost nastupanja opasnosti za ljude i imovinu, a zemljište oštećeno istraživanjem dužan je osposobiti za korištenje u skladu sa odobrenjem u skladu sa odredbama člana 45. Zakona o geološkim istraživanjima Federacije BiH.
17. Imovinsku štetu ili bilo koju drugu štetu nastalu istražnim radovima unutar granica istražnog prostora i njegove neposredne okoline, nosilac istražnog prostora dužan je nadoknaditi prema važećim propisima.
18. Odobreni istražni prostor iz tačke 3. Rješenja uveden je Gradu Srebrenik u Katastar odobrenih istražnih prostora, koji se vodi u ovom Ministarstvu.
19. Rješenje se može ukinuti u skladu sa odredbama člana 53. Zakona o geološkim istraživanjima Federacije BiH.
20. Nakon završetka dopunskih detaljnih hidrogeoloških istraživanja na bunaru BGD-11, Grad Srebrenik i izvođač istražnih radova, dužni su posebno se pridržavati Poglavlja 9. MJERE I ZAŠTITE (9.1. ZAŠTITA OKOLINE U TOKU IZVOĐENJA ISTRAŽNIH RADOVA I 9.2. OSNOVNE MJERE ZAŠTITE NA RADU TOKOM IZVOĐENJA ISTRAŽNIH RADOVA, sadržanih u Projektu. Grad Srebrenik, dužan je Federalnom ministarstvu energije, rudarstva i industrije dostaviti Elaborat sa rezultatima istraživanja u skladu sa članom 41. i 42. Zakona o geološkim istraživanjima Federacije BiH.

Razmatranjem naprijed navedenog zahtjeva i dostavljene dokumentacije ovo Ministarstvo je utvrdilo da je podnosilac zahtjeva svoj zahtjev dostavio u skladu sa članom 27. Zakona o geološkim istraživanjima Federacije BiH.

U skladu sa članom 28. Zakona o geološkim istraživanjima i čl. 5., 7. i 147. Zakona o upravnom postupku, u toku vođenja posebnog ispitnog postupka, ovo Ministarstvo je aktom Up/I broj: 06-14-2-26/2 od 27.01.2021. godine uputilo strankama u postupku poziv na usmenu raspravu.

Poziv na usmenu raspravu dostavljen je Ministarstvu poljoprivrede, šumarstva i vodoprivrede TK, Gradu Tuzla u skladu sa ovlaštenjima i nadležnostima propisanim Zakonom o načelima lokalne samouprave u Federaciji BiH, JP Elektroprivreda BiH d.d. Sarajevo, ZD Rudnici „Kreka“ d.o.o. Tuzla, Mjesnoj zajednici Mramor, Mjesnoj zajednici Dobrnja i Gradu Srebrenik, kao podnosioca zahtjeva.

Usmena rasprava održana je dana 15.02.2021. godine u prostorijama Grada Srebrenik, adresa: Varoških polja b.b., Srebrenik, sa početkom u 10:00 sati, u skladu sa članom 5., 7. i 147. Zakona o upravnom postupku. U toku usmene rasprave vođen je Zapisnik broj: 06-14-2-26/21 od 15.02.2021. godine, koji je sastavni dio spisa predmeta.

Na usmenu raspravu odazvali su se pozivom Up/I broj: 06-14-2-26/21 od 27.01.2021. godine slijedeći opunomoćenici: Miralem Mulać i Milan Čolić, opunomoćenici Grada Tuzla, Ibrahim Jahić, opunomoćenik JP Elektroprivreda BiH d.d. Sarajevo, ZD Rudnici „Kreka“ d.o.o. Tuzla, Samed Mehmedović, Eris Brašnjčić i Ibrahim Smajlović, ispred podnosioca zahtjeva Grada Srebrenik.

Pored gore navedenih opunomoćenika na usmenoj raspravi prisustvovali su i: Vekaz Karić, predstavnik „Vodovod i kanalizacija“ doo Tuzla i Jusuf Musić, predstavnik MZ Dragunja Donja.

Opunomoćenici Ministarstva za poljoprivredu, šumarstvo i vodoprivredu TK, Mjesne zajednice Mramor i Mjesne zajednice Dobrnja nisu se odazvali na poziv na usmenu raspravu Up/I broj: 06-14-2-26/21 od 27.01.2021. godine, koji im je poslat 02.02.2021. godine.

Prisutni opunomoćenici na usmenoj raspravi, saglasni su da se Gradu Srebrenik, izda rješenje kojim se odobrava izvođenje dopunskih detaljnih hidrogeoloških istraživanja podzemnih voda na bunaru BGD-11, u okviru odobrenog eksploatacionog polja „Sjeverni sinklinorij“ RU Kreka, za potrebe vodosnadbijevanja rubnih dijelova gradova Srebrenik i Tuzla.

Uvidom u dokumentaciju ustanovljeno je da Grad Srebrenik nema pisanu saglasnost vlasnika zemljišta označenom kao k.č. 3261 k.o. Dobrnja, grad Tuzla, na kojoj je projektovana bušotina BGD-12. Voditelj upravnog postupka ostavio je Gradu Srebrenik rok od 15 dana da od vlasnika zemljišta označenom kao k.č. 3261, k.o. Dobrnja, grad Tuzla, pribavi pisanu saglasnost za izvođenje dopunskih detaljnih hidrogeoloških istraživanja podzemnih voda na bunaru BGD-12.


Grad Srebrenik je u ovo Ministarstvo dostavio dopis broj: 07-64-1/2021 od 24.02.2021. godine u kome shodno zaključku sa usmene rasprave održane 15.02.2021. godine, a u predmetu pribavljanja odobrenja za izvođenje dopunskih detaljnih hidrogeoloških istraživanja podzemnih voda, obavještavaju ovo Ministarstvo da nisu dobili saglasnost vlasnika zemljišta označenog kao k.č. 3261 k.o. Dobrnja, na kojoj je projektovana bušotina BGD-12 (vlasnik parcele IVZ Tuzla), te da iz tog razloga odustaju od dijela zahtjeva koji se odnosi na dopunske detaljne hidrogeološke

Takođe, mole da se nastavi pokrenuti upravni postupak i da im se izda odobrenje za izvođenje dopunskih detaljnih hidrogeoloških istraživanja za bunar BGD-11, za koji imaju potrebne dokumentacije i saglasnosti.

Na osnovu provedenog upravnog postupka i utvrđenog činjeničnog stanja, a u skladu sa članom 27, 28. i 30. Zakona o geološkim istraživanjima Federacije BiH, Federalno ministarstvo energije, rudarstva i industrije odlučilo je kako je navedeno u dispozitivu ovog rješenja.

Protiv ovog Rješenja nije dozvoljena žalba, ali se može pokrenuti upravni spor podnošenjem tužbe Kantonalnom sudu u Mostaru u roku od 30 dana od dana prijema.

Federalnu upravnu taksu za podnesak i opomenu na podnesak u iznosu od 10,00 KM, upis u katastar istražnih prostora, tarifni broj 19., tačka 1. u iznosu od 20,00 KM; za rješenje kojim se odobrava geološko istraživanje mineralne sirovine, tarifni broj: 20, tačka 4. u iznosu od 50 KM podnosilac zahtjeva uplatio je na račun javnih prihoda budžeta Federacije BiH, putem Union Banke d.d. Sarajevo, broj: 102-050-00001066-98, vrsta prihoda : 722112.



Dostavljeno:

- Grad Srebrenik  
ul. Varoških polja b.b., Srebrenik
- Ministarstvo poljoprivrede, vodoprivrede i šumarstva TK
- JP Elektroprivreda BiH d.d. Sarajevo, ZD Rudnici „Kreka“ d.o.o. Tuzla
- Grad Tuzla - odjel za privredu
- Agencija za vodno područje rijeke Save, Sarajevo
- Federalni zavod za geologiju, Ilidža
- Federalna uprava za inspekcijske poslove Sarajevo
- Federalni rudarsko, termo i elektro - energetski inspektorat
- Katastar – ovdje
- a/a

Co.

- Mjesna zajednica Mramor
- Mjesna zajednica Dobrnja